

Adroddiad i'r:	Pwyllgor Archwilio Cymunedau
Dyddiad y Cyfarfod:	23 Ionawr 2014
Aelod Arweiniol:	Yr Arweinydd ac Aelod Arweiniol dros Ddatblygu Economaidd
Awdur yr Adroddiad:	Rheolwr Datblygu Busnes ac Economaidd
Teitl:	Rhaglen y Rhyl yn Symud Ymlaen – Adroddiad Chwarterol

1. Am beth mae'r adroddiad yn sôn?

Mae'r adroddiad yn rhoi diweddariad ynglŷn â Strategaeth Adfywio Y Rhyl yn Symud Ymlaen.

2. Beth yw'r rheswm dros lunio'r adroddiad hwn?

I werthuso a monitro cynnydd a chyflawniadau'r Rhaglen wrth iddi gyflawni ei chanlyniadau disgwylidig, ac i adnabod unrhyw lithriad o fewn trosglwyddiad y rhaglen.

3. Beth yw'r Argymhellion?

Dylai'r Aelodau nodi a rhoi sylwadau ar y cynnydd a wnaed.

4. Manylion yr adroddiad.

Mae'r adroddiadau diweddaraf ar Ddiweddariad o'r Rhaglen wedi'u hatodi yn Atodiadau 1a i 1d yn dangos hynny o ran y pedwar ffrwd yng ngwaith y rhaglen:

- Mae statws presennol Ardal Adfywio Gorllewin y Rhyl yn FELYN (Atodiad 1a)
- Mae statws presennol Canol y Dref yn OREN (Atodiad 1b)
- Mae statws presennol yr ardal Glan y Môr a Thwristiaeth yn FELYN (Atodiad 1c)
- Mae statws presennol Byw a Gweithio yn y Rhyl yn OREN (Atodiad 1d)

Gorllewin y Rhyl

Yn dilyn penderfyniad y Gweinidog i gymeradwyo'r Gorchymyn Prynu Gorfodol (GPG), mae'r gwaith wedi mynd rhagddo ar gaffael yr eiddo sydd ar ôl ac sydd angen bod yn rhan o'r Prosiect Gwella Tai, a hefyd y gwaith o adleoli trigolion sydd wedi eu heffeithio gan y prosiect. Mae'r tîm a benodwyd i ddylunio'r Gofod Gwyrdd wedi trefnu digwyddiadau ymgynghori yn y gymuned ac wedi paratoi syniad bras o'r dyluniad ar gyfer yr ardal. Y cyfnod nesaf fydd dymchwel yr adeiladau a bydd hynny'n digwydd ar ôl gorffen y broses o brynu gweddill yr eiddo.

Canol y Dref

Fe drefnodd y Cyngor Sir raglen o ddigwyddiadau yn ystod yr wythnosau cyn y Nadolig - bu'n llwyddiant gyda llawer mwy o bobl yn mynychu'r digwyddiadau na'r flwyddyn flaenorol ar yr un adeg o'r flwyddyn. Mae'r grŵp tasg a gorffen wedi cychwyn gweithio ar ddatblygu strategaeth ar gyfer canol y dref, ac mae aelodau o'r Grŵp Rheoli Canol y Dref yn parhau i edrych ar wahanol fodelau wedi eu mabwysiadu mewn ardaloedd eraill mewn awdurdodau cyfagos i hysbysu'r datblygiad ynglŷn â threfniadau'r dyfodol ar gyfer y Rhyl. Rydym yn dal i ddisgwyl am y trefniadau ar gyfer gwneud cais am gyllid sydd wedi'i neilltuo gan Lywodraeth Cymru ar gyfer ardaloedd nad oedd yn llwyddiannus yng nghyfnod cyntaf y broses gais Lleoedd Llewyrchus Llawn Addewid.

Glan y Môr a Thwristiaeth

Mae gwaith yn parhau i symud ymlaen ar ddatblygu'r achos ar gyfer cyfleusterau hamdden newydd ar hyd yr arfordir, ac awgrymwyd rhoi'r eitem ynglŷn ag opsiynau'r dyfodol ar gyfer cyfleusterau sy'n cael eu gweithredu gan Clwyd Leisure ar agenda cyfarfod y Cabinet i'w gynnal ar 14 Ionawr. Mae ymgynghoriadau cyn cyflwyno cais ynglŷn â dyluniad y gwesty arfaethedig ar safle'r hen Honey Club wedi bod yn nwylo gwasanaeth Cynllunio a Gwarchod y Cyhoedd y Cyngor Sir a bydd cais cynllunio i ddilyn gan y datblygwr o ddewis. Disgwylir y bydd y gwesty'n cael ei orffen, ac yn weithredol erbyn hydref 2014. Mae'r gwaith adeiladu ar yr adeilad newydd ar yr harbwr yn parhau i fynd yn ei flaen ac yn dal i fod ar amser i gael ei gwblhau ddechrau 2014.

Byw a Gweithio yn y Rhyl

Allan o'r holl ffrydiau gwaith dyma'r agwedd sydd heb gael ei ddatblygu gymaint â'r gweddill, ac mae'r grŵp tasg a gorffen wedi cychwyn datblygu Cynllun Tref ac Ardal y Rhyl a fydd yn adnabod gweithredoedd o flaenoriaeth a fydd yn cyfrannu at gyflawni'r nodau ac amcanion ar gyfer y ffrwd gwaith. Yn y cyfamser, mae swyddog wedi'i benodi i redeg y prosiect Cysylltiadau Gwyrdd ac wedi cysylltu â pherchnogion tai o fewn yr ardal berthnasol o ward Gorllewinol y dref i gymryd mantais o welliannau effeithiolrwydd ynni sydd ar gael trwy ran nesaf o'r cynllun "Arbed".

Perthynas gyda'r Cynllun Tref ac Ardal arfaethedig ar gyfer Y Rhyl

Rhwng Rhagfyr 2011 a Mawrth 2012 fe gymeradwyodd y Cabinet Gynlluniau Tref a oedd wedi eu datblygu ar gyfer y saith tref fwyaf yn y sir ar wahân i'r Rhyl. Ni chafodd Cynllun Tref ei ddatblygu ar gyfer y Rhyl ar yr amser hynny gan mai'r flaenoriaeth fwyaf ar y pryd oedd datblygu fframwaith strategol ar gyfer adfywio'r dref ac o ganlyniad fe gafodd y Cynllun y Rhyl yn Symud Ymlaen ei gymeradwyo gan y Cabinet ym mis Tachwedd 2011. Mae'r Cynlluniau Tref wedi bod yn fecanwaith effeithiol ar gyfer dyrannu adnoddau o gyllideb gwasanaeth presennol y Cyngor Sir ac o'r gyllideb hynny a roddwyd i un ochr i gefnogi'r broses o drosglwyddo'r flaenoriaeth gorfforaethol ar gyfer "Datblygu'r economi leol" ar gyfer gweithredu'r gweithredoedd o flaenoriaeth a adnabuwyd. Er hynny ni cheir dogfen debyg ar gyfer y Rhyl ac mi fyddai cael un yn amlwg yn ddymunol er mwyn helpu i adnabod

gweithredoedd o flaenoriaeth ac i adnabod yr holl ffrydiau cyllido posib sydd ar gael o'r sectorau cyhoeddus, preifat a'r trydydd sector.

Mae gan y Rhaglen Y Rhyl yn Symud Ymlaen gylch gorchwyl hynod benodol mewn perthynas i adfywio'r dref ac i ddiffinio'r cylch gorchwyl mae Bwrdd y Rhaglen wedi mabwysiadu'r diffiniad mwyaf diweddar o adfywio gan Lywodraeth Cymru sef "cyfres integredig o weithgareddau gyda'r bwriad o wrthdroi'r dirywiad economaidd, cymdeithasol a ffisegol er mwyn cyflawni gwelliannau hiroes yn yr ardaloedd lle na fydd grym y farchnad yn gallu gwneud hynny ar ei phen ei hun heb ryw fath o gymorth gan y llywodraeth". Mae SDRh (yr hen Strategaeth Dinas y Rhyl) a Chymunedau yn Gyntaf yn arwain ar y cyd ar y themâu economaidd a chymdeithasol gyda Bwrdd Rhaglen Y Rhyl yn Symud Ymlaen yn gyfrifol am yr elfennau ffisegol sy'n ymdrin â'r prosiectau sy'n canolbwyntio'n bennaf ar adeiladau, datblygu safleoedd a gwella'r amgylchedd. Mae aelodaeth Bwrdd y Rhaglen yn adlewyrchu ar yr angen i sicrhau fod y tair thema sydd ar ôl yn cael eu cefnogi bob amser.

Bydd gan y Cynllun Tref ac Ardal gylch gorchwyl llawer ehangach na rhaglen Y Rhyl yn Symud Ymlaen a bydd hefyd yn cynnwys gweithrediadau o flaenoriaeth i wneud gwelliannau mewn rhannau o'r dref sydd ddim angen eu hadfywio yn ôl Llywodraeth Cymru. Mae rhaglen Y Rhyl yn Symud Ymlaen yn arwain ar elfennau o adfywio ffisegol yn y Cynllun Tref ac Ardal. Gwelir y berthynas hon yn Atodiad 3. Bydd y Cynllun Datblygu Tref ac Ardal yn chwarae rhan allweddol mewn adnabod prosiectau i'w hystyried i'w gweithredu trwy'r ffrydiau gwaith Byw a Gwaith a Chanol y Dref yn y rhaglen Y Rhyl Yn Symud Ymlaen sydd, ar hyn o bryd, wedi derbyn y lleiaf o sylw allan o'r pedwar ffrwd gwaith yn y rhaglen.

5. Sut mae'r penderfyniad yn cyfrannu at y Blaenoriaethau Corfforaethol?

5.1: Blaenoriaeth 1 – Datblygu'r Economi Lleol a'n Cymunedau

Prif nod y Strategaeth Adfywio RGF yw creu mwy o gyfleoedd swyddi a busnesau yn yr ardal, a mynd i'r afael â'r flaenoriaeth hon yn uniongyrchol.

5.2: Blaenoriaeth 6 – Sicrhau mynediad at dai o ansawdd dda

Yn benodol, bydd yr WRHIP yn cael effaith uniongyrchol ar y canlyniad blaenoriaeth "cynnig ystod o fathau a ffurfiau tai...i ddiwallu anghenion unigolion a theuluoedd".

6. Beth fydd yn ei gostio a sut bydd yn effeithio ar wasanaethau eraill?

Does gan y strategaeth adfywio gyffredinol ddim cyllideb benodedig. Mae arian yn cael ei ddyrannu i brosiectau penodol, gan ddefnyddio ffynonellau ariannu allanol yn bennaf, ac mae'r arian yn cael ei fonitro fesul prosiect.

7. Beth yw prif gasgliadau'r Asesiad o Effaith ar Gydraddoldeb a gwblhawyd ar gyfer y penderfyniad? Dylid cynnwys templed yr Asesiad o Effaith ar Gydraddoldeb a gwblhawyd fel atodiad i'r adroddiad.

Bydd Asesiad o Effaith ar Gydraddoldeb (EqIA) ar gyfer prosiectau penodol neu weithgareddau a fanylir o fewn y Rhaglen Y Rhyl yn Symud Ymlaen yn cael eu

datblygu ar gyfnodau priodol fe a wnaethpwyd o'r blaen gyda'r Prosiect Gofod Gwyrdd yng Ngorllewin Y Rhyl. Gellir gweld yr EqIA ar gyfer yr holl raglen yn Atodiad 4.

8. Pa ymgynghori sydd wedi digwydd?

Mae'r rhaglen yn cael ei monitro gan y Bwrdd Rhaglen aml-asiantaeth sy'n sicrhau bod agwedd gyson gan yr asiantaethau allweddol yn y Rhyl. Mae adroddiad blynyddol yn cael ei baratoi er mwyn sicrhau fod yna ymwybyddiaeth ehangach o fewn y gymuned i'r strategaeth. Mae gan brosiectau unigol eu strategaeth ymgynghori eu hunain.

9. Pa risgiau sy'n bodoli ac a oes unrhyw beth y gallwn ei wneud i'w lleihau?

Mae'r risgiau yn cael eu monitro trwy ddefnyddio Cofrestr Risg y Rhaglen (Atodiad 2).

10. Pŵer i wneud y Penderfyniad

Erthygl 6.3.4 (b) o Gyfansoddiad y Cyngor

Swyddog Cyswllt

Arweinydd Tîm yr Arfordir
Rhif Ffôn 01824 708416